



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

Konferensia ba Imprensa

Periodu : Feveiru

Edisaun : 08 Feveiru 2011

JSMP lansa relatóriu julgamentu kazu 11 de Feveiru 2008 ba komemorasaun aniversariu dala tolu husi insidente ne'e

Ba komerasaun dala tolu aniversariu kazu tiruteo 11 de Feveiru 2008, JSMP sei publika nia relatóriu temátiku konabá prosesu julgamentu, ho titlu, *Kazu 11 de Feveiru 2008: Pergunta Barak Liu duque Resposta*. Lansamentu ne'e sei halao iha, Quinta feira, 10 Feveiru 2011, iha Salaun Delta Nova.

Diretór JSMP, Luis de Oliveira Sampaio, kongratula ema hotu ne'ebé involve iha julgamentu hodi maneija kazu konplexu no sensitivu ida ne'e, maibe observa katak nafatin iha pergunta importante konabá kazu 11 de Feveiru ne'ebé seidak hetan resposta. “Ita sei nafatin la hatene se mak tiru Prezidente da Republika no se mak oho ka tiru mate Major Alfredo Reinado no Leopoldino Exposto. Povu Timor-Leste dalaruma sei nafatin hela ho konfuzo konabá saida definitivamente akontese iha memomentu ne'ebá no saida mak hanesan rumores ka teoria, tanbá ne'e, relatóriu ne'e ho objetivu atu deskobre ka revela faktu hirak ne'e.”

JSMP halo monitorizasaun besik tebes ba prosesu julgamentu iha Tribunal Distrital Dili, husi kazu ne'e hahu prosesu iha dia 13 Jullu 2009 to'o tribunal hasai nia akordaun iha dia 3 Marsu 2010. *Kazu 11 de Feveiru 2008: Pergunta Barak Liu dugue Resposta*, sei serve hanesan relatóriu legál importante ida husi povu Timor Leste nia istória.

JSMP lansa relatóriu ne'e, ho subtitlu *Implikasaun ba Sitór Justisa iha Timor Leste*, atu esplika kontestu husi kazu ne'e, no atu analiza prosesu julgamentu no nia impaktu ba sistema justisa Timor nian. Relatóriu ne'e hatudu oinsa autóres diferente sira iha sistema justisa bele fo influencia ne'ebé forte ba julgamentu, konabá direitu individu sira nian, no oinsa justisa bele implementa.

JSMP fiar katak justisa nu'udar projeitu ko-óperativu ida. Prosesu judisiariu involve juizes, prokuradores, advogadu, arguidu sira, testamuña sira, tradutores sira, polisia, pesoal seguransa, media no sel-seluk tan. Importante liu, kazu 11 de Feveiru involve autoridade ofisial nivel alto no membru figura publiku Timorenze ho maneira ne'ebé unikú. Ho relatóriu ne'e, JSMP espera katak bele dada atensaun ema hotu ba importânsia no kompleksidade papel husi autores sira hotu hodi buka no hari'i lia-los no justisa.

Luis de Oliveira subliña nesidade atu hadia setór justisa. “Kazu 11 de Feveiru hatudu iha frakeza real iha sistema justisa Timor nian. Ita hotu tenke asegura katak padraun internasional ba direitus umanut sira tenke kumpri, liu-liu direitu ba julgamentu ne'ebé justu”

Relatóriu ne'e kompostu husi rekomendasaun prátiku sanulu-resin nen-ne'ebé mai husi rezultadu esperiensa julgamentu kazu 11 de Feveiru no oinsa bele mellora sistema justisa Timor-Leste.

Relatóriu ne'e mos inklui kronolojia husi kada audênsia-julgamentu, tabela sumariu alegasaun, faktu ne'ebé deskobre, no sentensa hasoru arguidu ida-idak, no sita/*kutipan* husi lejislasaun relevante no bibliografia selesionada ba leitura adisionál.

JSMP ho neon kmanek hakarak konvida setór justisa no ema hotu atu atende lansamentu no fo komentariu ba relatóriu ne'e.

Kazu 11 de Feveireiru 2008: Pergunta Barak Liu duque Resposta, sei fornese hahu husi dia 11 de Feveireiru 2011, lolos kedas depois de tinan tolu husi insidente ne'ebé sei nafatin iha dúvida. JSMP fiar relatóriu ne'e sei fo fontes vantejem ba ema profesional legal sira no sosiedade bai-bain sira emjeral.

Ba informasaun ka kopia husi relatóriu ne'e favor kontaktu:

Luis de Oliveira Sampaio

Executive Director, JSMP

Email: luis@jsmp.minihub.org

Landline: +670 332 3883